

奉化縣志卷十三

壇廟下

南

周南廟 縣南一里舊在周長官碶旁後徙今址神姓周名因事
詳名宦傳明封宋縣令周公之神

國朝光緒二十八年重新歲用九月初二日致祭 康乾志 參采訪

宋戴燕撰記畧侯名因號南靈政和七年來宰是邑仁慈廉謹
興利除害台績種種若重建學宮創嘉惠橋蓋靈濟泉龍祠修
慶登橋亭遷謝公廟疏通堰埭以資灌溉惠利誠多去任三年
民懷功德宣和間曹公粹中作謠刊石立祠邑南驛道之左歷
年寢久碑已剝落而其謠尚存乃復載之於石謠曰侯育我矣
民濟民感侯兮慈仁築河碶兮水粼粼開池井兮水泫泫我農
耕兮河之濶我農耘兮泉之瀆土膏田兮稻如雲歲功成兮德
澤均以食以餐兮子孫誥誥歌侯之勳兮頌侯之勤頌侯之勤
兮歌侯之勳

西溪廟 縣南五里西溪神姓吳漢郡馬光緒四年重建 采訪

奉化縣志 卷十三 壇廟下

龍溪西前廟 縣南五里西溪道光十一年建西溪廟分祀 采訪

龍溪西後廟 縣南五里西溪 采訪

角里廟 ○康熙志 作鹿黎廟 縣南五里西溪 乾隆志 參采訪

開城廟 縣南十里尙田畝神姓吳漢郡馬 采訪

下開城廟 縣南十里尙田畝開城廟分祀 采訪

尙田廟 縣南十里尙田畝神姓尹廟三一呼汪姓廟一呼董家

廟一呼上王廟 采訪

鎮南廟 縣南十里尙田畝神姓樂相傳神為鎮將時路經尙田

適鄉人爭水出金和解民感而祀之 采訪

南昌廟 縣南十里尙田畝靈昌廟分祀 采訪

文昌閣 縣南十里尙田畝光緒二十四年建 采訪

繩武廟 縣南十五里下田畝乾隆間建李姓祀其始遷祖元教

授則英

采訪

金山廟 縣南二十里金地寺

采訪

顯靈廟 縣南二十里雙溪神姓雷名烈宋政和間建建炎中賜

額端平間 案康乾志 封顯護侯寶祐四年加封嘉應 歷志參采

忠應

雷君廟 縣南二十里雙溪顯靈廟分祀

采訪

榮山廟 縣南二十里大隩顯靈廟分祀

采訪

祇恩廟 縣南二十里大隩神姓鄭甯海人

采訪

達山廟 縣南二十五里溪汪神姓汪

采訪

正北廟 縣南三十里方門

采訪

西祖廟 縣南三十里方門祀周呂尚

乾隆志參采訪

正東廟 縣南三十里方門

采訪

奉化縣志

卷十三

壇廟下

二

安山廟 縣南三十里葛隩神姓杜咸豐十一年粵賊犯境神顯

靈異賊不敢逼光緒二十三年台匪聚黨肆掠見神旗驚退村人

始安 乾隆志參采訪

梅溪廟 縣南三十里梅嶺下神姓劉名章

乾隆志參采訪

靈豐廟 縣南三十五里

乾隆志經隩

長樂廟 縣南三十五里王家嶺

采訪

長福廟 縣南三十五里孫家塢

采訪

保興廟 縣南三十五里下地塔

采訪

察濟廟 縣南三十五里下地塔

采訪

衛安廟 縣南四十里鵲隩宋時建舊在洙泗山後移今址

采訪

嘯虎廟 縣南四十里太平塘是地舊有虎患忽偉丈夫追而搏

之虎斃偉丈夫亦傷鄉人感其義立廟祀之

采訪

響巖廟 縣南四十里鳴雁神姓田名玆事詳人物傳康熙三十一年建神最靈異凡水旱疾疫與求名利者禱焉輒應乾隆丙辰辛酉邑有虎患禱於神虎輒遠避邑令李從龍有記道光間仇明

德重建乾隆志參采訪

靈昌廟 縣南四十里○歷志作五十里排溪宋咸淳間賜額康乾志參采訪

案曰歷志靈昌廟俱載神姓名為胡進思惟成化志但列靈昌廟而不言所祀之神乾隆志又載龔茂良記嘉靖志亦載記畧而全氏謝山鮎埼亭集有廢靈昌廟議示奉化令謂廟碑全然無據龔茂良正人不應通鑑俱未之見而作此荒謬之筆今列廟如舊而姓名姑闕焉

馬伏波廟 縣南四十五里馬家隩祀漢馬援采訪

西堡廟 縣南四十五里西隩采訪

奉化縣志 卷十三 壇廟下 三

濂溪廟 縣南四十五里西隩祀宋周茂叔采訪

龍溪廟 縣南五十里朱家術祀宋朱文公熹乾隆四十九年建采訪

輔順廟 縣南五十里鮎埼嶺南神姓竇名抗字道生隋文帝甥

少入太學畧涉書史釋褐干牛備身儀同三司龔爵陳國公為岐

州刺史轉幽州總管入唐轉左武侯大將軍從太宗平薛舉王世

充册勳太廟卒贈司空諡曰密至德二年賜額立廟封惠烈公中

和元年封忠靖王舊唐書參碑銘及采訪

唐李泌撰碑銘國家之患孽於啟寵臣子之德見於死忠開元以來乾清坤夷海內殷富以重鎮疊節托之軋犖山於是癘疽結心腹豺虎伏藩籬天寶末范陽煽欲京闕揚塵翠幃南飛青宮北駐徇三輔夾道之情感兩殿分歧之泣畿垣既陷叛勢益張惟張許二臣及南雷諸將誓守睢陽效死弗去方尹子奇圍急迺乞靈於上下神祇焄蒿悽愴若或見之時則雲霧晦冥有故司徒竇抗旗幟橫空輔助威勇寇兵退舍徒以四面援師不來而安慶緒遣突厥助力急攻城中乏食馬盡人稀至於鬻妾

烹奴挾旦夕命嗟乎竇公神也神而非人其功曷憑然江淮終不被寇東南財困得濟中興則明有張許幽有竇公之力也次年甯息有不死裨將董延祚能縷其言上召問哀臣之死忠感神之助順既為張許立廟於睢陽額以旌忠復為竇公立廟於南琦額以輔順封為公諡以惠烈按竇氏隋人以太學釋褐顯名歷諸道刺史歸唐平薛舉克王世充功第一册勳太廟進先祿大夫晚為浙東觀察使愛四明山水之秀卜居南琦卒贈司徒今即其地廟以祀之朝廷官其從曾孫湜錫朱衣象簡以奉祠事上命泌撰碑并為銘曰唐有天下祖六宗恩霈徧洽衰忠錄庸昔在睢陽神哉竇公叱咤六合雲霧蔽蒙我師作氣赤旗耀空逆難眩目膽攝羣兇宵遁不見裏創載攻南窺江淮竟挫其鋒張我皇靈繫神之功帝嘉乃績乃諡乃封南山之陽爰作爾宮被服公衮儼爾威容牲牢黍稷不懈伊豐勒石紀銘銘之無窮○案碑文作贈司徒與唐書互異

青山廟 縣南五十里青山麓神姓趙是地舊有九百井村以村

中一井九百戶皆取給焉其後村没井湮而廟亦圯附近村民修

葺之采訪

靈濟廟 縣南五十里○康乾志虹溪東神姓衛名津宋淳祐二

年○嘉靖康乾志賜額封昭福侯神妻封助福夫人至正續志一在戴家

奉化縣志 卷十三

壇廟下

四

山俗呼一木廟采訪

仁應廟 縣南五十里○康乾志鮎埼神姓竇名炳宋紹定中賜

額淳祐中封靈濟侯咸淳二年加封廣祐○康乾志七年加昭德

神妻封協濟助德夫人丞相葉夢鼎有記至正續志

顯佑廟○康乾志縣南五十里埼山○寶慶延祐志俗呼山頭廟

神姓仇廟創於唐禱之輒應宋紹興末陰相校尉王剛乘艦敗虜

於采石嘉定初民慮艱食神招商人米舟踵至人甚異之始謝散

騎捐地立祠死配食焉久而圯裔孫彥瓊廷俊哀眾力復新之三

年○嘉靖康乾志計臺列其靈乃賜廟額參政樓鑰記其事十七年

○嘉靖康乾志十二月封靈惠侯寶慶延祐志參采訪

案曰顯佑廟神嘉靖志載姓仇名鑾然歷志皆姓而不名樓

參政記又不獲見未敢遽載姑從闕如

山亭廟 縣南五十里固海西祀宋陸秀夫采訪

鎮山廟 縣南五十里固海陳姓祀其始遷祖翻字文昭唐乾符

三年為明州兵馬司因阻兵亂卜居邑南海潮齋岸築塘捍患吳

越錢王封武功大夫乾隆志 參采訪

文昌閣 縣南五十里固海乾隆十七年建采訪

趙公祠 縣南六十里柵墟嶺北祀浙閩總督趙廷臣康熙八年

廷臣以巡海卒於連山驛知縣鄭悖立廟祀之置田一十一畝八

分曹府志 作一十畝知府崔維雅會同屬縣捐俸置田一十二畝六分曹

府志作十二畝二十三年令張起貴覈其租花增置田一十一畝七分

祠側立彰德菴以奉香火乾隆三十五年修歲以二月十七日十

月二十四日致祭乾隆志 參曹府志及采訪

俞廷瑞撰趙公祠記 國朝以來所稱建牙樹纛出總大省文武職者

奉化縣志 卷十三 壇廟下 五

天子之倚毗是專地方之保釐是賴誠重臣也然估勢營利者多

實心盡職者少求其正己率屬招攜懷遠馭兵惠民興利剔弊

如古之羊叔子陶士行李贊皇裴聞喜其人不可多觀蓋天下

非乏經世之彥濟變之才而至於文武邦憲之選則非忠君愛

國以仁心行仁政者不足以勝任也若夫仁心刻摯仁政覃敷

生能保其民社死能廟食茲土者其惟我清獻趙公乎公遼左

人也以康熙紀元之冬特膺簡命來為兩浙總制後又兼轄八閩戊申之秋奉

命同內大僚巡閱兩省邊界雨沐霜凝形助神憊越己酉春自閩

旋浙竟卒於吾奉之馬家隩噫嘻夫趙公何以死哉按公蒞任

七載美政不勝書大要一本於仁心行實政其籌邊裕國見於

忠謹入告皎如日星之在世矣服食樽節黜從減省先以仁而

正身率屬也招撫海孽安定邊隅凡徒界之民蠲俸分賑各得

其所其以仁而招攜懷遠也會同郡守給餉營中不令水陸將

弁少有掊剋而禁獵騎之擾田戒墓木之混採非公馭兵惠民

之仁乎以至坐都之催糧有禁驛船之累里有禁軍儲之多辦

有禁供億之取盈有禁而吏得凜其威民得安其業非公與利

別弊之仁乎孔子曰仁者壽公固當不死矣不當死而死故當

日從行軍士哀聲如雷涕出如雨山野父老牽穉子弱女莫不

奔走悲號若失所依遂羣請於郡守而立祠於其地此所謂禦

災捍患則祀之勤事定國則祀之者也雖然公之祠在吾奉公

之仁不獨在吾奉則公之神亦不獨在吾奉也聞公靈輜言返

道過甬江一帶江許之民之悲號亦一如其在吾奉也豈非公之仁

西湖古剎軍民士庶之悲號亦一如其在吾奉也豈非公之仁

政仁心有以淪肌浹髓而終不可諉若是哉而奉之有祠持以
此為公殞星之地較之兩浙八閩之人尤為目擊而心悼所當
尸祝千載不忘者耳公諱廷
臣字君遴由貢舉歷陞是職

中堡廟 縣南六十里石樓嶺宋訪

上二堡廟 縣南六十里杉木嶺宋訪

隋煬帝廟 縣南六十里唐大中間剏黃洽有記至正續志今廢

西南

顯應廟 縣西南一里○案康乾志作縣西七里誤舊在今廟西百餘步因水

汎神像漂泊於此貢生汪森卿捐地祠之神姓王宋淳祐中賜額

今為鯉湖山龍神行祠以陳孝子配嘉靖志參康乾志及宋訪

靈濟泉龍祠 縣西南一里宋令周因構亭奉祀後圯明宣德中

令周銓復建又圯

國朝乾隆二十三年令陳滋重建歲用六月初十日致祭康乾志今

奉化縣志 卷十三 壇廟下 六

又圯宋訪

錫福廟 ○案康乾志作三溪廟誤 縣西南 ○康乾志作縣西 三里三溪神姓劉名三

清宋司徒兼太師卒葬三溪里人立廟祀之元元貞二年○案乾隆志作

至正元年誤旱達魯花赤察罕禱之大雨為文祭之

國朝乾隆十四年修知縣李則廣書額康乾志參宋訪

唐興廟 縣西南十里鮑村神姓吳乾隆間建宋訪

廣渡廟 縣西南十里廣渡神姓陸名失傳隴右人官節度使宋訪

廣渡東廟 縣西南十里廣渡下陳宋訪

龍泉廟 縣西南十八里張家灘宋訪

明應廟 縣西南二十里樓巖神姓趙廟二一在匯溪宋訪

潘隩廟 縣西南二十里霄霄宋訪

文武廟 縣西南二十里霄霄宋訪

龍源廟 縣西南二十五里印家坑祀明知縣賴愈秀采事詳名宦傳

俞村廟 縣西南二十五里楊家堰采訪

豐慶廟 縣西南二十五里外杉隩采訪

朱溪廟 縣西南二十六里朱家堰祀唐楊士辰同治六年建縣

人孫信塋書額俞煥雲有記采訪

鎮興廟 縣西南三十里中杉隩采訪

陳山廟 縣西南三十里後石勘倪家山頂采訪

崇福廟 縣西南三十里方家隩采訪

鎮安廟 縣西南三十五里裏杉隩道光間建采訪

栲溪廟 縣西南三十六里栲溪一在虎嘯王采訪

豐金廟 縣西南四十里畝頭采訪

奉化縣志

卷十三

壇廟下

靈巖廟 縣西南四十里村隩采訪

崇德廟 縣西南四十里袁家采訪

純德廟 縣西南五十里南溪口神姓董同治初年建采訪

南陽廟 縣西南五十五里社稼畝嘉慶間建采訪

中保廟 縣西南五十五里石龍潭上道光間建采訪

靈山廟 縣西南五十五里定明寺後采訪

西保廟 縣西南六十里大周隩嘉慶十二年建采訪

桐溪廟 縣西南六十里洞坑明季建采訪

後保廟 縣西南六十里小萬竹神姓竇采訪

洪勝廟 縣西南六十里後山村下采訪

英濟廟 縣西南六十里長沼道光間燬咸豐八年重建采訪

永芳廟 縣西南六十五里後畝祀宋義士董之邵采事詳人物

傳

上保廟 縣西南六十五里大堰王姓祀其始祖唐銀青光祿大

夫敬玘采訪

腰帶廟 縣西南六十五里蔣家山采訪

后保廟 縣西南七十里柏坑上保廟分祀采訪

增保廟 縣西南七十里張家張姓祀其祖吳越銀青光祿大夫

質采訪

長隴廟 縣西南七十里箭嶺下明四川羅心樸書額采訪

登溪廟 縣西南七十里徐馬站采訪

南溪廟 縣西南七十里乾隆志

船溪廟 縣西南八十里田墩采訪

竹嶺廟 縣西南八十里賦竹林采訪

奉化縣志 卷十三

壇廟下

八

大保廟 縣西南八十五里石井采訪

鎮亭龍神祠 縣西南八十五里○歷志作一百里鎮亭山麓宋嘉定間

封顯濟龍王歲用六月十八日致祭明崇禎十四年令胡夢泰修

歷志參胡夢泰記及采訪

明邑令胡夢泰撰鎮亭龍神記雨自有師天不可問叩而應莫若龍龍水物也雲從者也今四月奉之肅弗若令獨憂之越在辰秋雨極備稼亡三之一罄罄者可游臻耶率其屬謁城隍之神禱焉為壇於西方南面浹辰弗應令惋而作曰何辜奉之民辜在令令無狀負且乘峩峩進賢冠何當免之又率其屬步而禱移朔又弗應杏萎矣菖瘁矣以其時則過矣汗邪則竭颯則竭則拆種不稔稔弗克播農荷雨仰天而里可若何僉曰奉有潭神龍之都曰鎮亭盍禱諸台曰可哉卜夏五之八日壬午吉潭去治五由旬筭將而往將至下望潭趨虔叩謁如儀默而禱諸邀神之靈雨我奉田請創神榭楨飭几筵焉是夕宿潭下忽睽天矣或夢青龍降以告令不信癸未晨起趨禱報真虛空見俗謂虛空神也視潭有宅焉水宅也非真虛空也緣里之猾者恐疲令兼畏自疲捕水中宅寂置諸潭如自潭見者宅以水名有舌而不以整故可捕也宅初投潭圍圍焉少則悠然逝矣復投之上流流稍晒宅復絕流去聞之里人故事行從禱者望雨甫至即得匪今斯今皆胥袖中物耳茲沿故事行從禱者望雨

急乃發其奸索而得之猶胥之腋間請鞭之令曰宥之罰同令
叩潭下期必示見真相乃已日浸浸過中神以魚服見紆紆從
石壁中出其質它其色青叶趾離之所告字之曰青竹青竹之
整烈人弗敢近今彈彈服可狎而擾也握而納諸陶家缶中度
日已昃弗及治仍宿潭下甲申角吹迎而歸雲涌然從甫反治
兩沛然下眾喜可知也種勃然與之種末播者竭澗而趨之驟
而濟毋乃不給於耕越一日又雨二之日三日連澗而雨喜
更可知矣自是閱三伏或五日雨或十日雨奉乃有秋非神之
惠與台出橐中裝十千為整飭掃除資付里胥將事焉事將竣
乞令一言記之台禱而應則偶然耳神之休無疆颯颯乎已成
塗碑何記之有然更有禱龍以不制為神魁之虐也蝗之災也
幾偏於東南岷之茹草食木也尤劇於西北惟神以雲從出秦
山合膚寸不崇朝而徧天下魃可雨驅蝗可雨殺草茹木食之
子遺腹可雨果神為天子福生民安社稷功被四表皆力所優
毋徒是區區黑子之奉謀即奉也遂徵神福焉毋徒是董董者
今秋之奉謀謀及今耳不足記記之以昭神功使後之人毋忘
神今日更知神之為天子福蒼生安社稷被四表之功實肇於
奉之今日用是覲獲其詳以告後之台奉者今令為誰鉛山胡
夢泰也崇禎十四年歲
次辛巳秋七月吉記

鎮德廟 縣西南九十里販裏隩采訪

靈濟廟 縣西南九十里岔坑采訪

奉化縣志 卷十三

壇廟下

花樹廟 縣西南一百里中心隩采訪

嚴思廟 縣西南一百里中心隩采訪

福惠廟 縣西南一百里中心隩明永樂間建采訪

西

南山廟 縣西六里胡家販祀漢黃公祀明孝子陳敬采訪
案舊府

志乾隆志作
陳敬之誤

西京廟 縣西十里乾隆志城西隩乾隆志
作七里 參采訪

龍山廟 縣西十五里何家采訪

護國夫人廟 縣西十五里何家采訪

小梅溪廟 縣西十五里萬年橋東北分祀劉章采訪

上興廟 縣西十五里汪家塔分祀錢億一在汪家浦一在縣西

二十里汪柳貝村采訪

廣福祖廟 縣西二十里慈林咸豐十一年燬於粵匪同治間重建宋訪

童聖君廟 縣西二十里石羊頭一在童隩宋訪

珠山廟 縣西二十五里珠隩宋訪

董隩廟 縣西二十五里過水埠頭宋訪

茗山廟 縣西二十五里過水埠頭宋訪

棠溪廟 縣西二十五里棠村分祀錢億宋訪

溪西廟 縣西三十里溪口祀唐縣令周羅山宋訪

武山廟 縣西三十里溪口宋訪

顯靈廟 縣西三十里溪口象鼻山宋訪

溪南廟 縣西三十里溪口村南宋訪

崇福祠 縣西三十里溪口蛇山麓祀宋丞相魏文節杞祠內有

奉化縣志 卷十三 壇廟下 十

神道碑墓在祠側宋訪

永豐廟 縣西三十里上山分祀錢億廟前有古樟一本大可十

餘圍宋訪

南祠廟 縣西三十里新建分祀錢億宋訪

文昌殿 縣西三十里新建宋訪

北祠廟 縣西三十里董家埕分祀錢億宋訪

隆興廟 縣西三十五里周坑隩分祀錢億宋訪

西祠廟 縣西四十里赤泥嶺宋訪

啤潭廟 縣西四十里沙隄宋訪

車嶺廟 縣西四十里沙隄宋訪

鄒溪廟 縣西四十里沙隄宋訪

烏巖廟 縣西四十里沙隄北宋訪

顯濟廟 縣西四十五里 ○康乾志作四十里 公塘其神不知誰何宋寶祐

四年賜額咸淳間封英祐侯 歷志參剡源志

鎮東廟 縣西四十五里徐家步頭祀宋撫州通判贈朝奉大夫

劉濤 剡源志

朱君廟 縣西四十五里小千隩 剡源志

趙君廟 縣西四十五里小千隩一在董家隩 剡源志

湖南廟 縣西四十七里後董一在康嶺 剡源志

後湖廟 縣西五十里高隩 剡源志

茅洋廟 縣西五十里斑溪 剡源志

澤溪廟 縣西五十五里許家岸 剡源志

剡源先正祠 縣西五十五里西隅嶺麓光緒二十二年趙霈濤

募建正廳三間中祀先正四十二人左祀寓賢二十七人前廳三

奉化縣志 卷十三 壇廟下 十一

間旁翼庖厨二間置田一十八畝八分每歲春秋二祭 剡源志

剡源先正祠記韓文公稱古鄉先生歿而祭於社此語不知出何書昌黎之文當必有本文王世子篇凡釋奠必有合有國故則否所謂國故者國之先賢先聖釋奠於學則祭之今學校祀鄉賢當起於此而非祭於社也史記封禪書言亳有三社主之祠此三社主不知何人豈鄉先生之歿而祭於社者歟以是推之則上文言雍有九臣十四臣索隱以為不見名數所出或亦其類歟夫過大梁者仁想於夷門游九京者流連於隨會庚桑子居畏壘之山尚有尸而祝之者況其人已往歟然則哀集其人合為一祠而俎豆之固亦禮之所應有矣吾浙甯波所屬有奉化者縣境遼闊分為八鄉剡源者八鄉之一也剡源溪自四明山來經由其地凡有九曲鄉之人有趙君霈濤者自號醉仙一鄉之望也以邑志久未修輯力所不逮乃自纂修剡源鄉志告成之後慨然曰吾鄉雖地瘠民貧而代有高入逸士縣學鄉賢祠闕畧未備生其鄉不為表彰則年載既遠安知不付之湮沒乎乃糾合同志集貲建祠於丹山赤水洞天之間所祀自宋監察御史先正祠其地在剡源之中介五六曲之間所祀自宋監察御史樊公良忠以下至

國朝孝子張公立泚凡三十七人辜較所費洋泉六百有奇又捐田十五畝為祭祀之用若節春秋潔治牲醴與鄉中父老子弟瞻拜祠下亦一盛舉也宋寶慶間袁詔知臨安府建許由以下三十九人之祠事與此類然彼猶官為之而趙君乃以鄉人力成其事可謂有志竟成者矣趙君有令子曰文衡字平之肄業

詰經精舍言於余請為記嗚呼方今風俗亦少漓矣苟能推此意而徧行之先正典型儼然未沫使鄉之人皆有所矜式薰其德而善良人人親其親長其長不讀非聖之書不為高世之論庶可以樹吾道之閑而奪異端之幟矣古人祭鄉先生於社其意蓋在此孔子曰觀於鄉知王道之易易也吾於此祠徵之矣光緒二十二年十一月十一日德清俞樾撰

案俞太史記中言所祀先正三十七人捐田十五畝剡源志謂又增祀五人續捐田三畝八分故與正文不符

孫君廟

縣西五十五里西隅

剡源志

下汪廟

縣西五十五里下汪

剡源志

嵩溪廟

縣西五十五里亭下祀明縣令錢璠光緒七年拓址重

建剡源志

重建嵩溪廟碑記嵩溪廟不知始自何時案寶慶四明志載剡源鄉管里一村四嵩溪里其一三石村其二小晦村北宋時單氏自東陽來居之夫有村落宜有神廟蓋唐宋剡源寺院森立豈古佛有棲止之龕而明神無憑依之地乎有以知其不然矣然文獻無存難以臆斷其本主題曰錢公之神無名字爵里廟記闕如相傳公會為邑令攷縣志名宦有兩錢公一為宋康憲

奉化縣志

卷十三

壇廟下

三

公諱億邑人祀於北山於小晦無證且非邑令縣志列之名宦著書者之陋也一為明錢竹梧公諱璠字國用嘉靖癸巳履任居官六年忠誠廉潔留心民瘼善政不可枚舉第即其申減四明驛借支水馬銀重修隱潭龍祠二端觀之小晦在四明之南隱潭之下意其時民苦賠累久矣一旦公大為裁減民之受其賜何如也民苦旱乾公躬親祭禱重加修治雨暘時若歲卜有秋民之受其賜又何如也其高祀於茲土也宜哉不然何以七鄉不祀公而剡源小晦單氏獨祀公也或曰然則何以姓而不名曰神之故公之不名者蓋尊之也或曰然則嘉靖以前奉何神乎曰顯濟廟英祐侯見至正續志而嘉靖府志謂其神不知誰何況洪武禮儀鄉村每里立壇一所祀五土五穀之神象山志解之曰里社無壇而鄉各有廟謂之當境是前此殆奉土穀神也後見其廟已久其神不靈故改祀錢公歟

國朝來屢圯屢修光緒辛巳村民單魁罡等見廟貌之不足以肅瞻視也於是拓其基址大其梁棟高其牆垣澤其丹雘不一載而新廟落成洵極一鄉之壯觀而有以安神之靈昭神之嚴矣自茲以往水旱無災疾癘不作何莫非公之隱佑而默相之也需濤三石人也距小晦十五里同在嶢嶺之中今年秋應單氏之聘來脩家乘則見殿宇巍巍迥異曩昔瞻拜之餘愈仰聲靈赫濯行將如作宰時澤遍仁湖豈獨小晦一村而已哉因志作廟之由并為參證舊聞以訊來者其同事諸人則另書左方光緒二十三年歲次丁酉秋分前五日趙需濤撰

東嶽殿

縣西六十里小晦嶺

剡源志

洪村廟 縣西六十里小晦嶺神姓劉名濤字致遠生有功德於

民邑人祀之 乾隆志參 剡源志

宋趙敦臨撰記生當封侯死當血食人生之志願也苟有功於民不封侯而廟食者今於劉公見之矣公姓劉氏諱濤字致遠世居四明之奉化幼孤歲冠始讀書一過目輒解大義及壯該貫經史中紹興五年進士第調嚴州壽昌縣尉兼主簿公至邑發摘無隱人皆驚服盜賊屏迹境內安堵歲滿閱陞從政郎授徽州黟縣令邑之小民舊苦浮費貧困惟甚公悉博節摩撫耄倪蘇息濡袴歡謠聲溢於道任滿改宣教郎知處州龍泉縣土風吏滑民犢俗多誣詭公乃籍凶役為民害者摘而治之終公任無一敢肆惡者一邑皆稱為神明磨勛轉承議郎充淮東安撫司幹辦公事賜五品服皇帝登極覃恩轉朝奉郎磨勛轉朝散郎通判撫州郡昔饑疫民物故者眾不能具棺殮埋之野往往風土不厚道旁白骨相屬間有未化者為犬豕所噬公過之惻然募民收掘得數千骸命浮屠氏作善果埋之義塚畢事夢有訃者吁亦異矣臨川令漫不省事械繫滿獄空臨決三十二事縱所不當罪者八十餘人一時歡呼歌舞道途騰踊公罷歸民皆遮道焚香羅拜越磨勛轉朝請郎通判處州丁母憂遂不赴居邑比里曰公棠厥土燥剛禾鮮登公乃捐己錢三百餘緡募民數百界市中鑿洄直互五千餘丈深尋一廣尋二上引六詔左溪二水灌溉民田一千餘畝映帶塵居二百餘家自茲稼穡豐饒料挹咸便復於鎮東建石橋開義井暨闢道途直踰晦

奉化縣志

卷十三

壇廟下

三

三石廟 縣西六十里三石神姓李 剡源志

南溪廟 縣西六十里石門神姓曹 剡源志參 趙青照記

國朝趙青照撰記石門在大雷山之麓四面青山壁立環衛其間中有一溪自南而來故曰南溪里人毛氏相宅於溪畔而廟焉嗟夫奉之有廟多矣若資福若靈昌若景祐以暨剡之巖濟其年代姓氏功烈並載邑乘而南溪廟無聞其採錄者之不及歟抑食其力而忘所自耶為訪諸里老里老告余曰我神最靈歲康熙甲寅有小醜猖逆寇唐用北溪逼處奉壤掠柏坑焚康嶺劫棠村跨連山而南邑侯曹公募毛氏人為練長號毛家兵掃除寇氛闔邑乃平非神力陰相不及此故郡侯邱公嘉之旌其

廟曰助順殲逆惜當其時勿之額也而額於獅巖錢潭廟者亦其明證甚矣吾神之靈也余聞之畢然以為其靈若此宜乎祈晴禱雨救火弭災求無不應里人毛氏欲擴其宇而無基迺於廟陽梯雲橋畔開山輦石復架四條合舊梁而五填以黃土其平如砥故得弼其丕基廟貌益駿非特鎖鑰

毛氏村落已也時乾隆壬子年四月初二日

新安廟 縣西六十里周家嶺

剡源志

玉泉廟 縣西六十三里楊家地

剡源志

西溪廟 縣西六十五里巖頭

剡源志

錢潭廟 縣西六十五里巖頭

剡源志

袁君廟 剡源集 縣西六十五里榆林

剡源志

老九溪廟 縣西六十五里倪家隩

剡源志

顯靈廟 縣西六十五里董村祀宋縣令蕭世顯

剡源志

曹家廟 縣西六十五里董村

剡源志

威靈廟 縣西六十五里大晦嶺

剡源志

奉化縣志

卷十三

壇廟下

志

陸坡廟 縣西六十六里樟墅

剡源志

石溪廟 縣西七十里楊墅

剡源志

錢王廟 縣西七十里下蹕駐祀吳越忠懿王廟四一在縣西七

十二里上蹕駐一在縣西七十五里俞家隩一在縣西八十里六

詔 剡源志

崇興廟 縣西七十里張家坑

剡源志

上堡廟 縣西七十里塔裏坑

剡源志

茶溪廟 縣西七十里毛家灘祀唐銀青光祿大夫王敬玘

剡源志

文武殿 縣西七十里毛家灘

剡源志

上祠廟 縣西七十里巖坑

剡源志

菱湖廟 縣西七十五里大雷山麓

剡源志

中堡廟 縣西七十五里大水坑

剡源志

下堡廟 縣西八十里界嶺剡源志

新興廟 縣西八十里曹家地神姓李剡源志

平山廟 縣西八十里西隩剡源志

顯應廟 縣西八十里棲霞坑分祀蕭世顯廟前有古楓二本大

五圍高十餘丈剡源志

菱池廟 縣西八十里沈家巖剡源志

大巖廟 縣西八十里六詔剡源志

王右軍廟 縣西八十里六詔案嘉靖志作三石村誤舊名王右軍祠今改

為廟相傳王羲之嘗隱於此鄉人仰其芳躅故祀之嘉靖志參剡源志

日生廟 縣西八十三里謝界山剡源志

行者廟 縣西八十五里黃沙坑剡源志

金井廟 縣西八十七里石橋頭剡源志

奉化縣志 卷十三 壇廟下 五

真君廟 縣西八十七里石橋頭剡源志

樸樹廟 縣西九十里水碓頭神姓劉剡源志

水丹廟 縣西九十里近南塢坑剡源志

王漢廟 縣西九十里撓坑剡源志

上興廟 縣西九十里大坑剡源志

天興廟 縣西九十里北溪祀唐鄞令王元暉剡源志

東嶽宮 縣西九十里北溪剡源志

東皇祠 縣西九十五里西晦溪剡源志

應坡廟 縣西九十五里應家山剡源志

湖山廟 縣西一百里剡界嶺剡源志

真武殿 縣西一百里剡界嶺剡源志

上洋廟 縣西一百里黎洲祀黃宗義剡源志

孫興公祠 縣西一百里黎洲剡源志

靈溪廟 縣西一百里靈溪剡源志

太平廟 縣西一百十里平坑剡源志

西北

北山廟 縣西北○歷志二里金字山麓舊在鳳山北後徙今址

神姓錢名億宋奉國軍節度使卒葬於此邑人祀之戶部尚書崔

仁冀為之記歲用十月十六日祠民致祭歷志參

明豐坊詩廟貌依山麓碑文帶薛痕春光浮密樹溪色蕩

重垣拯亂還仁政承芳有聞孫同遊如昨日高士失南園

宋琰詩宋誕英髦嶽炳靈分封立邸振功名東南滄海風波息

吳越青天王柱擎自古山林存廟貌至今民物仰神明獨憐為

國登臨少駐節題詩感慨生

社壇廟 縣西北五里外應乾隆間重建嘉慶十六年修歲用十

一月十二日祠民致祭應細記參采訪

奉化縣志 卷十三 壇廟下 共

關帝廟 縣西北十里殿前有亭三楹采訪

護國夫人廟 縣西北○乾隆志十里日嶺上一在縣西北五里

陳家隩一在縣西北二十里涼榔溪乾隆志參采訪

馬隩廟 縣西北十二里裏應分祀錢億采訪

元興廟 縣西北二十里羅村采訪

蔣君廟 縣西北二十里牌亭頭神姓蔣采訪

祖祠廟 縣西北二十里前葛相傳神為葛姓之祖采訪

都神殿 縣西北二十里前葛采訪

接木廟 縣西北二十五里采訪

畸山廟 縣西北二十五里畸山麓采訪

東嶽殿 縣西北二十五里畸山采訪

湖東廟 縣西北三十里仇家大河東岸采訪

湖西廟 縣西北三十里仇家大河西岸宋訪

松溪廟 縣西北三十里任宋宋訪

童君廟 縣西北三十里狀元隩祀後唐縣丞童義上下有二下

廟咸豐間建宋訪

龍溪廟 縣西北○乾隆志三十里棠隩上下有二宋訪

杜嶺廟 縣西北三十五里袁家隩宋訪

東祠廟 縣西北三十五里下白巖分祀蕭世顯宋訪

西祠廟 縣西北三十五里白巖分祀蕭世顯宋訪

崇安廟 縣西北四十里許家山宋訪

行祠廟 縣西北五十里裏村宋訪

新祠廟 縣西北五十里東疆宋訪

隱潭廟 縣西北五十里東隩宋訪

奉化縣志 卷十三 壇廟下 七

徐鳧廟 縣西北六十里徐鳧巖上宋訪

隱潭龍祠 縣西北六十里雪竇山側舊祠圯明嘉靖十三年合

錢璠重構歲用六月十六日致祭嘉靖志參 康乾志

顯靈廟 縣西北八十里茶焙宋訪

北

關聖殿 縣北百步獅子山咸豐十一年毀於粵匪同治二年蕭

品章建復光緒十三年重建宋訪

楓木廟 縣北四里○康乾志作朱家隩神姓趙名純夫廟創於

唐宋淳熙十四年賜額靈祐一在應家山名楓木新廟康乾志 參宋訪

國朝范占熊撰記嘗讀甘棠之篇竊思召伯以一憩之故令人愛

其樹如見其人循覽遺編為之太息若我境主敕賜靈祐侯趙

公之廟之以楓木名也其卽南國之甘棠乎公為台郡別駕嘗

禱雨同山峯頂龍湫雨隨車至道旁有大楓木趨避之後人遂

立廟其地或曰公以積勞而卒也或曰公旣去而民思之不忘

也夫民以食為天當此旱魃為災勢甚岌岌公不遠數百里為

民請命一誠所感惠及鄰境此既異於人矣而要其誠之所積必有播諸遐邇使隔屬之民莫不延頸舉踵咨嗟感喟而不能已已者故能絢飾鼓動至於如此淪浹之深豈徒以一雨之力而已哉公既廟食茲土屢著靈異士民叠呈其事榮膺賜額實跡別具於碑於戲喬木已非廟貌如故甘棠以其事榮膺賜額實存其所以垂諸不朽者固自有在茲當葺治既竣因敬述舊聞書而揭之庶俾後之人知所由來云是為記

周長官廟 縣北十二里周長官碑西祀宋縣令周因一在後三

嶺西南

長興上廟 ○乾隆志 縣北十五里 ○乾隆志 鄭家埠神汪伋汪

份事詳人物傳宋寶祐四年建元天曆二年伋封諫議大夫 ○乾隆志

作建議 永安侯份封朝散大夫永甯侯 乾隆志

泉井新廟 縣北十五里傅家隩泉井廟分祀 采

蕭王廟 ○曹府志 作蕭公祠 縣北二十里泉口祀宋縣令蕭世

顯慶厯二年建淳祐十二年賜額靈應元至正二十一年封綏甯

奉化縣志

卷十三

壇廟下

六

王明承樂間修宏治十四年重修正德六年燬七年重建 曹府志

采記

明孫勝撰重建蕭王廟碑記直縣北二十里有嶺臨於溪上嶺曰界嶺溪曰泉溪而蕭王廟在焉按舊碑神姓蕭氏諱世顯字道夫漢蕭相國之後裔也宋天禧二年來合於奉撫字心勞廉公節儉民甚德之後三年境遭大旱神則躬親祈請且復巡行阡陌間教民築隄捍水至長壽鄉鑿河五里通於潮河引水以灌田遂獲有秋次年旱且蝗神復出舍教民以捕蝗車抵長壽禽孝兩鄉界忽中風暴卒由是百姓悲號若喪考妣歲愈久而不忍忘至仁宗慶厯二年民復追誦其德始立祠於此以祀之神輒大著顯應屢求屢赴恩普德洋淳祐十二年欽賜廟額靈應承議郎蔡增為之記宣教郎邑侯黃湛為之立石迨元至正二十一年春知州李樞以感應非常表奏朝署蒙賜俞允進封綏甯王嗣後屋漸隳鞠為蓬磔之區者久之永樂間神稍驚動禍福於遠近父老曰是廟不立而神不甯厥居耳爰出羣力而經營之成正殿三楹以安神棲復其故名曰靈應蕭王廟民始知所敬事而春有祈秋有報也宏治初神復大昭靈異水旱疾疫禱焉輒應用是奉牲帛以走庭下者無虛日父老僉謀謂廟止一殿不足以竭虔妥靈辛酉之歲邑大尹陳君富有感於神乃更率屬為中殿為前門為東西庭次第就緒而規制可觀焉後十一年為正德辛未二月晦正殿災不可撲滅遂為灰燼行道歎息以為神嘗殿祓戾孽以福爾一方今茲殿燬而不即圖

之則祈毗日慢祚慶弗下矣父老聞而是之壬申之秋相與鳩
堅蒐良迺迺時予守制於家父老戴懷和竺文高輩辱使記之辭
以譎弗獲乃書其原始廢興之概俾刻之於石云正德七年十
一月之望

文昌閣 縣北二十里泉口嘉慶十一年建采訪

中丞祖祠 縣北二十里塘灣祀唐中丞杜勝采訪

杜中丞廟 縣北二十里塘灣分祀杜勝采訪

三界廟 縣北二十里塘灣道光間汪忠英等重建采訪

岱石廟 ○康乾志作 縣北二十里柱石神宋虞允文扈高宗航

海至奉化免金人之難里人杜夢魁陳道茂建康乾志

石芝廟 ○乾隆志作 縣北二十里虹橋下分祀虞允文道光十

年修乾隆志

虞公廟 縣北二十里陳郎埭俗呼招富廟分祀虞允文采訪

奉化縣志 卷十三 壇廟下 九

舒君廟 ○康乾志作 縣北二十里陳郎埭古舒君碑上祀宋宣

議舒卞采訪 事詳人物傳

南岱石廟 縣北二十里呂家分祀虞允文采訪

岱石新廟 縣北二十里呂家分祀虞允文采訪

塔山祖廟 ○康乾志 縣北二十里江口神後唐縣丞○康乾志

童義同光二年建光德橋民不忘其德遂立廟於江之南

國朝祠民蔣安仁胡大受蔣祥駱尚德袁朝廉修後復立廟於江

北杜家畝曰塔山新廟故名其南曰祖廟康乾志 參陳光

李三江先生祠 縣北二十里江口祀宋國子博士李元白光緒

二十七年建采訪

陳康黼撰李三江先生祠碑記昔謝山全氏謂三江舊有李朝
散祠元時尙存鄭真嘗言於當事重葺之今不可問矣其說垂
百餘年至徐柳泉舍人始據滎陽集以糾其誤蓋奉化州學嘗
祀先生於鄉賢而或黜之故滎陽爲其曾孫請復祀於知州而

全氏誤記其事著之學案紀之詩歌說誠未核然而三江先生之宜有祠則固犁然有當於人心者也先生諱元白字希大為奉化江口人在宋時其族最著有三江李氏之稱先生生而好學從鄉先生舒文靖公遊深於詩禮歸教其家晚歲登第仕至禮部郎官其官國子最久輪對一主於正心奏陳荒政賑卹尤極有條理論者謂其得廣平之傳不知先生之家教亦有異於尋常者先世贈秉義郎諱珂始居江口持心廣周急樂施其創建光德橋人猶能言之此先生之會祖也贈修武郎諱倫當全今廟食泉口此先生之大父也是則其薰陶濡染已有以厚其本原故所學日益昌而由家而鄉傳其學者且數世不絕是固吾鄉陸學一大支也元明而降風稍替矣先生之姓氏無人能舉者其所居曰秉花堂亦鞠為茂草而不能得其彷彿江後村孝廉先生之鄉人也每過江口輒尋秉花古址思所以規復而表率之歲庚子會先生之後裔浹江李氏有修譜之舉請孝廉與其事則欣然曰此殆秉花堂將發見之日也遂以其意商之李廉水部郎部郎躋其議為集資三千金孝廉復告其後人之散居左近及一鄉之同志又得千餘金即秉花堂古址建新祠宇凡為堂五楹兩廡各三楹勳聖軒敞祠之東又翼以蒞事之室前後各三楹始事於辛丑年二月辛丑越二年三月壬午落成奉先生之主而釋奠焉後又得周葺亭文學捐田十五畝以縣其祀於是鄉之人復知有秉花堂矣抑聞之李氏當極盛時傳科棣華照耀鄉國今相距七百年不知數弓之地為大儒薪火之所寄其知者又以李氏功德在人而零落至此或致疑望

奉化縣志

卷十三

壇廟下

三

激浦廟 縣北二十里激浦橋頭祀神三一姓唐一姓徐一姓薛名均逸元至元間商於激浦歲饑運粟賑濟全活無算又築內婆磧灌激浦以西之田民感其德立廟祀之大德初年建

國朝嘉慶二十年重修

張邦豫記 參采訪

璉琳祖廟

○乾隆志 作進林廟

縣北二十里

○乾隆志 作三十里

南渡祀元知州馬

稱德事詳名宦傳明嘉靖三十年重建

乾隆志 參采訪

璉琳南廟

縣北二十里上下張分祀馬稱德光緒二十三年重

修訪

東長興廟 縣北二十里虞郎碑南分祀汪伋元至元元年建宋訪

西長興廟 縣北二十里虞郎碑北分祀汪份咸豐五年重建廟

前一池水深色碧盛夏不涸俗呼水倉宋訪

泉井廟 縣北二十里泉井山祀宋義士李偕乾隆五十二年重

建孫奎事詳人物傳

馬公東廟 縣北二十五里前江分祀馬稱德康熙間重修光緒

二十四年江忠庚重建宋訪

馬公西廟 縣北二十五里乾隆志作縣新橋下分祀馬稱德

明時建宋訪

風整廟 縣北二十五里浦口神姓宋名嗣宗唐末令奉化事詳

名宦傳宋建炎間金阿里蒲盧侵明州車駕幸海埼頭之厄恍見

羣島間赤幟萬計賊驚潰帝得如温州是夕帝夢神戎服來謁自

奉化縣志 卷十三 壇廟下 三

稱扈從至此追封麗澤侯敕有司致祭明天啟間祠民爭祭角訟

縣令蔣應昌分三廟以息其爭至今有上中下三風整廟上風整

廟在名山下風整廟在下妙山而浦口則為中風整廟康乾志參采訪

大歐祖廟 縣北三十里大歐碑旁神姓歐乾隆志參采訪

大歐南廟 縣北三十里大歐祖廟分祀廟三一在王家水倉一

在後江一在竺家宋訪

國朝莊正心撰重修大歐南廟記畧茲地密邇大江水勢順下所
恃以蓄洩灌漑者獨賴有大歐碑蓋宋端平間縣尹歐公所築
也公歐姓因以姓名碑而且曰大者謂是碑之澤長利普壯其
猷故稱其氏也及歿作祠碑旁以祀之古稱生有盛德歿高明
禮者其公之謂歟嗣後子姓日繇歲時祈報不獲於出入間時
親儀表爰各就近卜地立廟然始建時梓材樸斲淺且陋也乙
亥秋咸議重新相與捐資運木趨承恐後不
期年而幸觀厥成焉康熙丁亥歲孟冬日

羊府廟 縣北三十里徐家渡明季盛元恭募建

國朝康熙三十八年修道光二十一年重修光緒二十一年又修宋訪

新屯廟 縣北四十里倉基西大歐祖廟分祀嘉慶二十四年重
新采訪